

Zvonko Marić
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstva saobraćaja KS

Sarajevo, 25.06. 2018.godina

ZASTUPNIČKO PITANJE

Od vremena kada je imenovan privremeni upravitelj KJKP GRAS upozoravao sam Vladu KS, resorno ministarstvo i bivšeg premijera na pogubnost takvog poteza. Ispostavilo se da sam bio upotpunosti upravu, jer način predstavljanja čovjeka sa Floride koji bi trebao da čarobnim štapićem riješi sve nagomilane probleme Grasa pomalo me podsjećalo na profesora Baltazara koji treba čarobnom formulom da riješi sve probleme. Upravo za tom govornicom za kojom ga je predstavljao bivši premijer, izrečena je ogromna količina laži i obmana, ali ono što je posebno značajno na isti način nam je prezentirano kako će otvaranje istrage i ponovno suđenje bivšem direktoru Grasa Ibrahimu Jusufriću pokrenuti rasvjetljavanje kriminalnih radnji u ovom preduzeću. I tada sam govorio da se radi o mrtvom pravosudnom predmetu koji se pokušava oživjeti bez novih dokaza, jer znamo da je prvobitna presuda bila u tom predmetu oslobađajuća. Međutim očigledno sada je već jasno da se suđenje koje je trajalo dvije i po godine bivšem direktoru Jusufriću trebalo lansirati u svrhu prikrivanja suštinskih stvari vezanih za organizirani kriminal i korupciju u ovom preduzeću. Jer kako objasniti da se Jusufrić teretio za 100.000 KM, a da niko od upravljačkih struktura i drugih menadžera koji su proizveli lošim poslovanjem dubiozu od skoro 300 miliona KM nije odgovarao? Očigledno da ovaj paradoks koji se odnosi na krivnju za 100.000 KM, a ne i za 300 miliona jasno govori da se sve čini kako bi se pravi uzroci i vionovnici kriminalnih radnji prikrili. Zato molim Vladu KS i resornog ministra da mi odgovore na pitanja gdje je danas privremeni upravitelj Gušić i da li snosi odgovornost za pogrešne poteze i loše poslovanje u godini kada je imenovan kao upravitelj? Ko će snositi odgovornost i posljedice za zloupotrebu pravosuđa i pravosudnih kapaciteta? Dakle za troškove koji su nastali tokom sudskog procesa koji je bio osuđen na propast prije nego što je i počeo? Da li će to opet biti na račun građana ili će odgovornost snositi oni koji su pokrenuli taj postupak zbog skretanja pažnje od stvarnih problema?

Zastupnik SBB BIH
Zvonko Marić